

## SPEK MÉT...



...Eier Waere gebraoje op zunjig 2 mieërt inne Café tusse 18.30 en 20.30 oor. En as die op zeen is der missjiens nog waal get ertesoepe euver vanne familie-wanjeling.

## SPROOKJES...



Op maandig 3 mieërt waertj de Café omgetoverdj in ein echte Sprookjeswaereldj. Winy zal achter de tap op en neer danse wie ein gooj fee. Eederein dae zich haet verkledj as ein sprookjesfiguur kan/mot dae aovendj met doen aan ein laevendj Sprookjes-tenieël-spel. Dus doot dien sjoeanste roeaj kapje aan, neem broedkruumelkes met, of groeate

stevele (of ein kat) en laot dich op dees aovend betovere.

## DOLLE DINSDIG !



Op 4 mieërt, de letste Vastelaovesdaag, trektj weer de groeateste optocht van de aoj gemeindje Hunsel door Haler. De optocht-commissie is al druk aan ut vergadere euver de route. Wat in eeder geval bekindj is, is det de optocht om 14.11 oor vertrektj vanaaf de Isidoorstraot. Nao de optocht geit ut fieëste door inne Zaal Ons Dorps-

huis, met meziek van DJ Roger (mer dae haaj zien gerei gewen laote staon). Om 18 oor zal de priesoetreiking zeen.

## HIEËRING SJILLE...



Waat is der noe lekkerder nao al det gefieësten eine lekkere zoore hieëring? Nou; twieë zoore hieëringe. En as die op zeen is der missjiens nog waal get ertesoepe euver vanne familie-wanjeling. Op aswoonsdig 5 mieërt zal Winy vanaaf 20 oor (nao de mis) laote zeen det al die tillefoontjes nao de vishanjel in Sjeveninge neet veur niks zeen gewaesj.

## WISJ...

Wisj gae det:

- Wae in Haler weer ein autocross hubbe gehadj
- Dae weer good bezocht waas
- Dao inkele Halerse coureurs aan met hubbe gedaon
- Gein van die men oppe Speltstraot woeantj
- Eine Halerse coureur get vergaete waas te lasse aan ziene wage
- Hae det nog hieel vlot mos gaon doen
- Hae toen dwars euver ut veldj teruuk nao hoes is gereje
- Hae bliej waas det hae dao geine sperjes haaj staon
- Ut neet haet moge bate
- De wage nao de start der met oet sjeidje

Wisj gae det:

- Der veul menere zeen om inne gezet te kome
- Wiel Schroyen det op ein hieel nette menere haet gedaon
- Wiel eikels waas gaon zeuke veur zien herte
- Wiel neet ins is gaon zeuke bieje ut gemindjehoes in Heytse
- Wiel dao zat eikels haaj kinne vinje (en auch rotte appels)

